

堪誠懇重以表聞臣多誠惶誠恐謹言

元慶四年七月

〔三代實錄四十一〕元慶六年正月廿五日戊辰太政大臣基經藤原上表請罷攝政帝親萬機曰云々勅答曰先帝託公以眇身委公以庶績以至今日誠思名雖列於成人德猶慙於往古復辟之事非予所堪攝籜之機欲公勿讓朕之此志美能順之廿八日辛未太政大臣抗表曰云々伏願職封職田資人雜俸並馮先般之定給總斷此廻之新加前亦恩賜內舍人二人左右近衛各四人爲隨身先臣宿疾中發醫療外隨難侍紫垣於直廬何分霜仗於御巷今各依初歸付官府勅太政大臣來表悉之云々其職封職田資人雜俸等並依所請一從省減已曠予一人之素情且依忠仁公貞房藤原之故事又隨身兵仗等事有舊貫不敢虧損二月甲戌朔勅曰舅氏太政大臣藤原朝臣朕自在提抱賴其保護思隆非常之渥寵以答莫大之元功其職封職田資人等累經以聞自遜辭朕不敢違之聽其所請又舊儀所賜隨身內舍人二人左右近衛各六人左右兵衛各六人然而隨其固辭不更加給依前日之分配減定內舍人二人左右近衛各四人但任人賜爵等並准三宮一如先帝策命忠仁公故事九日壬午是日減太政大臣職封職田資人雜俸之狀頒下所司但隨身如詔旨

〔三代實錄四十二〕元慶六年閏七月十六日丙戌右大臣多上表曰臣多言臣修表辭職不聽再廻將重渥愚丹恐屢塵聖鑑臣謹檢承前古來任大臣者割削職封返收公府臣雖云庸瑣見賢思齊伏願陛下留臣所食千戶接遺美於百年略中許之

〔本朝文粹五〕請減封戶表

臣某謹言略中臣伏惟大臣新任必折半封略中伏願聖主陛下上稽舊史下附所司以減臣所食一千戶不勝懇切上表以聞臣某誠惶誠恐頓首死罪死罪謹言

昌泰二年十二月五日

正三位守右大臣兼行右近衛大將營原朝臣上表

菅贈太相國